

49566/P



DISPUTATIO MEDICA  
INAUGURALIS,  
DE  
INFLAMMATIONE.





DISPUTATIO MEDICA  
INAUGURALIS,  
DE  
INFLAMMATIONE;

*QUAM,*

ANNUENTE SUMMO NUMINE,

EX AUCTORITATE REVERENDI ADMODUM VIRI,

D. GEORGII BAIRD, SS.T.P.

*ACADEMIÆ EDINBURGENÆ PRÆFECTI;*

NEC NON

Amplissimi SENATUS ACADEMICI Consensu; et

Nobilissimæ FACULTATIS MEDICÆ Decreto;

*PRO GRADU DOCTORIS,*

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

JOANNES STANLEY,

*ANGLUS,*

CHIRURGUS:

Ad diem 12. Septembris, horâ locoque solitis.

EDINBURGI:

EXCUDEBANT ADAMUS NEILL ET SOCIJ.

---

---

M DCC XCVIII.



VIRO ILLUSTRISSIMO

JACOBO FOULIS

DE COLINTON,

BARONETTO,

ORDINIS NOVÆ SCOTIÆ EQUITI, &c.;

DIGNITATIBUS, HONORIBUS, TITULIS,

ANTIQUO STEMMATE,

CLARO;

INGENIO, MORUM ELEGANTIA, SUAVITATE,

ET OMNIBUS QUÆ HOMINEM EXORNANT,

VIRTUTIBUS INSIGNITO;

HANC DISSERTATIONEM,

BENEFICIIS QUAMPLURIMIS DEVINCTUS,

HONORIS ET OBSERVANTIÆ ERGO,

D. D. D.

DEVOTISSIMUS

JOANNES STANLEY.

NECNON,



V I R O

IN ARTE MEDICA PRÆSTANTI,

ANDRÆ GRAHAM, M. D.

CUI, PROPTER CONSILIA IN STUDIO,

ET MONITA IN PRAXI MEDICA,

FIDA SEMPER, ET VERA,

AMICISSIME COMMUNICATA,

PLURIMUM DEBET,

HASCE STUDIORUM PRIMITIAS

SACRAS VULT,

AUCTOR.

(117)

THE HISTORY OF THE

ROYAL NAVY OF GREAT BRITAIN

FROM THE FIRST SETTLEMENTS OF THE ENGLISH IN AMERICA

TO THE PRESENT TIME

BY JAMES OUSELEY

IN TWO VOLUMES

LONDON: PRINTED BY J. JOHNSON

ST. PAUL'S CHURCH-YARD

1795



---

## INDEX.

---

	Pag.
<i>Historia,</i> - - -	3
<i>De Signis quibus Inflammationem adesse co- gnoscitur,</i> - - -	4
<i>Inflammationis Terminationes,</i> -	8
<i>Causæ remotæ,</i> - - -	18
<i>Causa proxima,</i> - - -	21
<i>Ratio Symptomatum,</i> - - -	34
<i>Prognosis,</i> - - -	35
<i>Curatio,</i> - - -	37

Dr. Shea

with best respects

from his friend

The Author

# DISPUTATIO MEDICA

## INAUGURALIS,

DE

## INFLAMMATIONE.

---

**C**UM Academia celeberrima Edinburgena  
sanxit lege, ne quis, nisi disputatione de  
re medica conscriptâ, et in lucem editâ, ad  
Doctoris gradum evehatur; huic igitur neces-  
situdini obtemperaturus, pauca de Inflamma-  
tione, quippe mihi medicinæ studio incum-  
benti, sæpius, per omnia ejus stadia, visâ et  
curatâ, conscribere statui.

A

Hæc

Hæc affectio, secundus Pyrexiarum ordo, ad Phlegmasias refert ; et sic, apud cel. CULLENUM, rei nosologicæ facilè principem, definitur :

“ Febris fynocha, phlogosis, vel dolor topicus simul læsa partis internæ functione, sanguis missus et jam concretus, superficiem coriaceam albam ostendens \*.”

Cùm autem phlegmasiæ tot morborum genera, species, ac varietates complectitur ; fieri non potest, ut quælibet definitio, quamlibet accurata, omnia ad inflammationem spectantia, comprehendat : plenior igitur mali historiam necesse habui reddere.

## HISTORIA.

---

\* Nosol. Method. T. ii. p. 82.

## H I S T O R I A.

QUONIAM inflammationis phænomena, terminationes, et curatio, sunt diversa pro diversitate partis affectæ ; eandem cum claro viro Doctore C. SMYTH, qui bene de hoc argumento tractavit, in quinque species,—Imo, Cutis, Erythema, nimirum et Erysipelas,—2do, Telæ reticulatæ, Phlegmonam,—3tio, Membranarum pellucidarum,—4to, Membranarum mucosarum,—et, 5to, Fibrarum muscularum,—inflammationem, dividimus. Ante verò quam de his speciebus sigillatim agemus, quædam de signis, quibus inflammationem adesse cognoscitur, ejusdemque terminationibus, præmittamus oportet.

## DE SIGNIS QUIBUS INFLAMMATIONEM ADESSE COGNOSCITUR.

QUANDO morbus externam corporis partem afficit, nullum est errandi periculum: tunc enim tensio, tumor, calor, et dolor, manifesta sunt: porrò, si hæc signa graviora fuerint, cutis ficca, arteriarum pulsus frequens, validus, et durus, fitis, cibi fastidium, insomnia, rigores, et urina coloris rubicundioris, comitari solent. Hæc autem signa, quæ apud medicos Pyrexia vocantur, haud sunt perpetui et individui inflammationis comites: existit enim, nec rarò quidem, inflammatio quæ nullam generalem corporis pyrexiam accendit. Hujus rei exempla ferè quotidiana sunt ophthalmia, minoresque phlegmonæ, furunculi, puta, hordeolum, &c. Quædam etiam gravioris inflammationis exempla, fracturis membrorum compositis, vulneribusque a sclopporum

rum



rum glandibus, supervenientia, subinde occurrunt; nec ullam pyrexiam excitant.

Partem internam inflammatione affici judicamus e dolore ejusdem constante, functionibus turbatis, pyrexia plùs minùs gravi comitante, et specie sanguinis detracti, qui crustam coriaceam superficiei suæ innatantem plerumque exhibet.

Interpellatio functionum partis laborantis est adeo certus inflammationis index, ut quoties dolorem fixum aut perpetuum, et pyrexiam, comites habuerit, nullam de morbi natura, et plerumque fede etiam, dubitationem relinquat.

Peculiaris sanguinis species, quæ e glutine, inter cogendum, separato, cruorique crustam tenacem, ac coriaceam albam, obducente, pendet, a veteribus habita est, et adhuc etiam a recentioribus quibusdam, pro indicio diatheseos phlogisticæ minime fallace habetur. Ex observationibus autem nuper factis, hanc sanguinis

guinis speciem haud parum e sanguinem mittendi modo, et forma vasis in quod recipitur, pendere constat. Si enim sanguis ostio magno, e venis hominis robustioris, pleno ac valido rivo, in vas profundum effluxerit, crusta illa coriacea nunquam non formabitur: contrà, si ex inflammatione laborantis vena tardè aut guttatim in vas minimè profundum recipiatur, ista sanguinis species vix aut ne vix quidem se ostendit. Hoc autem sanguinis speciei discrimen ex detrahendi modo, sagacem SYDENHAMUM, qui idem de pleuritide agens memoravit \*, minimè fugisse videtur.

Crusta sanguinis coriacea superficiei hujus aëri objectæ, et temporis spatio, quod inter coagulandum elabitur, pro rata respondere videtur: intereà enim particulæ sanguinis rubræ vasis petunt fundum pondere suo majore, in massam solidam et penè nigricantem abituræ ;

---

\* SYDENHAMUS de Pleuritide, p. 333, 334.



ræ ; ferum et gluten, quippe leviora supernantant.

Res est sæpiùs observata, et notatu digna, quod si sanguis ita detrahatur, ut nullam crustam coriaceam ostendit, æger se inde levatum non sentit, necne rêverà levatur, quantum fieri solet, quoties sanguis, pleno rivo missus, istam speciem exhibet.

Ex dictis igitur patet, clinicum huic sanguinis speciei, nisi dolor constans, partis functionum turba, et pyrexia, simul adfuerint, minimè confidere debere : his autem præsentibus, eandem aliquid ad dubium penitùs fugandum conferre. His de inflammatione cognoscenda dictis, ad ejusdem terminationes devenimus.

IN-

## INFLAMMATIONIS TERMINATIONES.

HÆ sunt resolutio, suppuratio, gangræna et scirrhus, effusio sanguinis, aut feri, erythema, et humor viscidus e superficie partium internarum effusus.

Quando signa, five naturæ viribus, five remediis idoneis adhibitis, paulatim, salvâ simul fabricâ partis, decedunt, morbum resolutione finiri dicimus. Hujus causæ sunt, exhalatio aucta in telam cellulosam partium morbi sedi vicinarum, vel exinanitio aliqua e partibus ab hac remotis, five arte five sponte fiat; qualia sunt hæmorrhagia, fudor universus, tepidus, ac fluidus, diarrhœa, urina copiosa sedimentum lateritium deponens, et metastasis; hæc enim vasa partis inflammatae laxant, actionem eorundem nimiam minuunt, sanguinisque congestum tollunt.

Si

Si morbus autem, medicinâ parùm obſtante per aliquot dies, urgere pergat ; ſi pyrexia mitior fiat ; ſi arteriarum pulſus molliores, et pleniores, evadunt ; ſi dolor pulſatilis in parte laborante ſentiatur ; ægerque ſubinde conqueritur rigores, qui tamen rarò, niſi inflammatione latiùs diffusâ, inſignes exiſtunt, ſuppurationem appropinquare colligere licet : tempus quo incipiat, aut incepta finiatur, incertum, et in variis exemplis varium, ſit oportet.

Suppuratione finitâ, ſi pars externa morbi ſedes eſt, dolor ac rubor paulatim minuuntur ; et tumor albeſcens, mollis, fluctuans, et pruriens, facilè percipitur : contrâ, ſi malum internam corporis partem occupat, remittente, aut ceſſante dolore, anxietate, ac ponderis ſenſu in parte affectâ, febre hecticâ, et ſudoribus loco propriis, ſuppurationem ſubeſſe colligimus.

Collectio, quæ inter suppurandum formatur, partibus ejus aquosis, vaporatis, aut absorptis, in humorem spissum, qui pus audit, mutatur. Pus sincerum dicitur esse album, leve, et æquale ; et, affirmante JOANNE PRINGLE, Equite, sanguinis serum, quod mutationem peculiarem, five a calore partis laborantis, five artis, admoto, subit, originem suam agnoscit.

Si humor autem, persistente inflammatione, effusus, cum quavis alia sanguinis parte, ut sæpe fieri solet, et præsertim cum particulis rubris, commisceatur, pus formandum insignem subit mutationem, quâ partes vicinæ corruptæ roduntur ; et ista terminatio, quæ gangræna vocatur, accidit.

Porro, hæc inflammationis terminatio ex duobus aliis provenit causis, magnâ nimirum corporis in gangrænam proclivitate, et nimiâ vasorum partis inflammatae actione, quâ eorundem



rundem vires delentur, humores stagnant, partisque interitus supervenit.

Gangrænam signis inflammationis immanè auctis, et præsertim ingenti partis affectæ dolore, et ardore, instare judicamus. Hac autem terminatione omnibus numeris absolutâ, sæva illa signa decedunt; parsque sensu orbata fit mollis, et flaccida; color ejus prius ex rubore vivido in nigricantem mutatur; brevi lividus evasurus; morbo progrediente, partes affectæ penitus nigrescunt; fanies purulenta tegumenta rosa delet; et cute tandem ruptâ, tabum foetidum, quâ datâ portâ ruens, partes molles vicinas exedit.

Scirrhus terminus inflammationis tribus jam dictis multò rarior existit. Hoc autem vitium ex inflammatione nasci satis quidem probabile videtur; partes autem glandulosas inflammatas, quippe solitis inflammationis remediis sæpè vix sanandas, nonnunquam invadit.

Quatuor inflammationis terminationibus jam tractatis, annumerandæ sunt sanguinis, aut feri, in telam partis affectæ reticulatam effusio. Hic inflammationis finis pneumoniæ supervenire solet; humorque effusus vasa comprimendo, et sanguinis circuitum prohibendo, suffocationem lethalem efficit. Alterum terminationis exemplum existit erythema; in hoc latex subflavus infra cuticulam effunditur, qui eandem, emplastri exulceratorii instar, inflat, et rumpit.

Denique partium internarum, inflammatione affectarum, superficies exsudat ferè semper humorem, qui partim concretus, earundem superficiei adhærens, partim fluidus, in cava, ubi partes jacent, effusus, apparit\*.

His de inflammatione cognoscenda, ejusque terminationibus, præmissis, devenimus ad  
phænomena

---

\* CULLEN's First Lines, vol. i. p. 273.

phænomena propria singularum specierum, in quas morbum, cum Doctore SMYTH, suprâ divisimus.

IMO, ERYSIPELAS, et ERYTHEMA, vel inflammatio cutis. In his color est rubicundus, cupro sæpè haud abfimilis, potiùs quàm rubor vividus ; pressu statim evanescit, citò autem redit ; et cum ambitu inæquali huc illuc serpit. Dolor haud abfimilis est ei, quem ignis corpori justò prior excitat ; tumor diffusus parùmque elevatus existit. Liquor subflavus infra cuticulam effusus hanc in vesiculas modò parvas, modò majores inflat : liquore evacuato, cutis superficies colorem lividum sæpè exhibet. Cuticulâ tandem in squamulas mutatâ, gangræna aliquando, suppuratio nunquam, nisi existente phlegmonâ, supervenit.



2do, PHLEGMON, five inflammatio telæ reticulatæ. Hac voce auctor jam laudatus comprehendit non solum telam reticulatam propriè sic dictam; sed etiam membranam adiposam, glandulas, et viscera fabricâ simili spongiosâ prædita, maxima ex parte formata ex textu celluloso, qui seriem vasculorum nervorumque ferè infinitam sibi invicem adnectit. Hæc inflammationis species externè sita ab erythemate discrepat rubore vivido, tumore circumscripto, in fastigium medium præsertim elevato, sæpe in apostema abeunte, magna tensione, et dolore sæpe pulsatili.

3tio, INFLAMMATIO MEMBRANARUM DIAPHANARUM. Hoc vocabulo idem auctor omnes corporis membranas fabricæ densæ, firmæ, duræ, et plùs minùs pellucas intelligit, quales sunt periosteum, ligamenta capsularia articulorum, dura mater, tunica arachnoidea, pia mater, pleura, non solum quæ thoracis cavum



vum intus cingit, sed etiam quæ tunicam externam pulmoni præbet, et mediastinum format; pericardium, peritoneum ejusque propagines quales sunt ligamenta, et tunica externa omnium abdominis viscerum communis; tunica vaginalis chordæ spermaticæ, testium, et ligamentorum rotundorum in mulieribus.

Hujus inflammationis speciei phænomena non bene intelliguntur: dolor acutus, et plerumque pyrexia, adfunt, quæ quidem signa huic cum phlegmone, et erysipelate, communia sunt: ab his tamen terminatione speciatim distinguitur: membranæ enim diaphanæ inflammatae, præter naturam crassæ et opacæ fiunt: et superficies ipsarum modò humorem exfudant viscidum aut purulentum, qui adhæfionibus præter naturam ausam dat, modò autem cava, quæ his membranis amiciuntur, replentur fero turbido, cui fibræ innatare observantur.

4to, INFLAMMATIO MEMBRANARUM MUCOSARUM. Hæ sunt tunicæ, quibus os, nares, aures, fauces, larynx, trachea, bronchia, pharynx, œsophagus, ventriculus, intestina, urethra, vesica urinaria, ureteres, renum pelvis, vagina, uterus, tubæ Fallopii, palpebræ, et pars oculi anterior, investiuntur.

Præcipua hujus speciei inflammationis signa sunt superficiei villosæ et spongiosæ factæ rubor, aucta sentiendi vis, molestiæ, et caloris, rarò autem acuti doloris, nisi ab aëre frigido, aut humore, partem inflammatam, verrentibus, sensus, et membranarum præter naturam crassitudo. Mucus tunicis ab aëre humorumque acrimonia defendendis dicatus, ex blando, ac viscido, in liquorem acrem, et tenuem, haud raro partes, quibus affluit, erodentem, mali finem versus purulentum futurum, mutatur. Hæc inflammatio haud raro aliquamdiu perstat, quotiesque gravior fuerit, pars affecta

fecta fit debilis, novisque mali tentationibus a levi causa opportuna diutius manere solet.

5to, MUSCULORUM INFLAMMATIO ; hæc refert ad rheumatismum acutum. Hæc species a cæteris jam recensitis insigniter diffidet : indicia sunt, dolor admodum acutus ; pyrexia comitatus ; calore, et motu, auctus ; musculorum tractum sequens, sanguis missus crustâ coriaceâ albâ tegitur.

Articuli cæterarum corporis partium frequentissimè hoc malo laborant ; hinc nonnullis, idem sedem suam in artuum tendinibus ac ligamentis semper figere persuasum fuit : cùm autem musculi lumborum, et ei, qui inter costas jacent, eodem sæpe afficiuntur, illa opinio falsa fit oportet. Minimè autem negare volo, quin artus et eorum ligamenta sæpius afficiantur. Rheumatismus hoc a cæteris discrepat, quod rarò, aut nunquam forsan, in suppurationem abit. Effectus ejus, quando non per-

fectè sanatur, aut diutius perstiterit, arthrodynia sunt, musculorum debilitas, et paralyfis, articulorum rigiditas, effusio materiæ viscidæ circa tendines et ligamenta articulorum majorum, motum prohibens.

### CAUSÆ REMOTÆ.

HÆ a medicis in Prædisponentes et Occasionales vel Excitantes dividi solent. Per causas prædisponentes intelliguntur, omnia quæ corpus morbo opportunum reddunt; qualia sunt diathesis phlogistica, plenitudo, et vis corporis irritabilis justò major. Diathesis phlogisticam mortales in phlegmasias proclives facere hinc patet, quod eadem in regionibus frigidis maximè invalent, floremque ætatis, et præcipuè qui dietâ pleniori, et stimulante nimis, utuntur, sæpissimè adoriuntur.

His



His porrò caufis accenferi debent ignavum vitæ genus et calor, variis formis admotus, quæ corpus juftò irritabilius, ac plenius, reddent, et priores inflammationis tentationes, quæ partis affectæ proclivitatem infigniter augent.

Has caufas perpendenti liquidò conftabit corporis conditionem, quæ mortales inflammationi opportunos reddit, non femper in vigore nimio, ut quibusdam placet, confiftere; nonnullæ enim ex his caufis corpus debile, plenum, et irritabile, planè reddunt.

Porrò de opportunitate ad inflammationem obfervandum eft, quasdam caufas occasionales tantâ vi pollere, ut nullam quidem proclivitatem, ad inflammationem excitandam, præter vim irritabilem corporis naturalem requirant.

Caufæ excitantes funt, imò, Stimulantia omnigena in corpus agentia; qualia funt, ignis, acida fortia, quædam oxyda, et fales neutrii,

trii, nonnullæ aëris species, acria ex frugibus, et animalibus, derivata, finapi putà, cantharides,—sales alkalini puri. 2dò, Vis externa, five hæc partes vulnerando, tendendo, comprimendo, tundendo, &c. agat. 3tiò, Res extraneæ parti affectæ inhærentes, eandem mole aut pondere comprimentes; vel vi chymicâ, mucrone aliâve formâ, irritantes. 4tò, Frigus gangrænæ protinùs ciendæ impar. 5tò, Distributio sanguinis abnormis partem laborantem versus facta.

Quamvis autem causæ, quæ inflammacionem protinùs concitant, ad nonnullas ex jam dictis plerumque referri queant; res est tamen fatis nota, eandem interdum nulla omninò sensibus nostris percipienda causa corpori admotâ, sponte quasi oriri.

CAUSA

## CAUSA PROXIMA.

TENSIO, tumor, calor, et dolor, sunt præcipua inflammationis phænomena, ut ex morbi historia patet. Variæ hypotheses ad horum signorum rationem reddendam excogitatæ fuerunt. BELLINI, ni fallor, primò, et postea BOERHAAVIUS, sanguinis lentorem, partis inflammatae vascula obturantem, pro præcipua causæ mali proximæ parte habuerunt: his enim obstructis, particulas sanguinis rubras a via sua aberrantes naturali in vascula pellucida, antea impervia, impulsas fuisse, opinati sunt: hanc particularum rubrarum aberrationem errorem loci vocabant; indeque partis tensionem, tumorem, ruborem, ac calorem oriunda posuerunt; obstructionis causam, sanguinis scilicet lentorem, crustâ coriaceâ albâ, quæ in superficie sanguinis in phlegmasiis detracti

tracti apparere solet, existere, liquidò probatum fuisse crediderunt. Sanguinem autem in phlegmasiis solito tenuiorem esse constat; et crustæ coriaceæ ratio, ut suprà diximus, aliis principiis redditur.

CULLENUS, BOERHAAVII sententiâ rejectâ, arteriarum partis inflammatæ extremarum debilitatem, et spasmus huic debilitati supervenientem, causam inflammationis proximam esse posuit. Ideo spasmus et debilitatem existere colligit, quòd omnis ferè inflammatio gravis pyrexiam comitem habet. Quamvisque nulla pyrexia generalis in levioribus inflammationibus loco ex toto propriis percipitur, has tamen ex eadem partis inflammatæ conditione, arteriarum nimirum extremarum debilitate et spasmo pendere contendit. Partis quidem tensio, tumor, calor, et dolor, huic opinioni favere videntur. Obstructionem igitur quam BELLINI et BOERHAAVIUS sanguinis lentori tribuerunt, CULLENUS arteriarum extremarum



extremarum spafmo et debilitati, actionem auctam in majoribus arteriis fuftinentibus imputat ; et quamvis concedit, errorem loci incidere, inflammationem tamen rarò ex eodem oriri afferit. Super hac hypotheseos BOERHAAVIANÆ parte fic ratiocinatur : “ The  
“ motion of the blood in the extreme veffels  
“ is fo weak and flow, as readily to admit a  
“ retrograde courfe of it ; and therefore if a  
“ particle of blood fhould happen to enter a  
“ veffel whose branches will not allow of its  
“ paffage, it will be moved backwards, till it  
“ meets with a veffel fit for transmitting it,  
“ and the frequent ramifications and anaf-  
“ tomoses of the extreme arteries are very fa-  
“ vourable to this\*.” Hic autem BOERHAAVIO folita fua felicitate adverfari non videtur, ipfe enim obftructionem non a fanguinis

---

\* Firft Lines, § 241, et feq.

nis lentore, sed a spafmo, proveniente, ponit: res igitur, quas loci errori objecit, obstructioni a spafmo, et debilitate, aut quavis alia causa proficifcenti, eodem jure regeri potuiffent. Et fanè inflammationis figna cujus exemplum fit ophthalmia, quippe in qua phænomena clarè confpici poffunt, CULLENI ratiocinio de errore loci prorsûs repugnarit: in hac enim inflammatione, particulæ fanguinis rubræ in vafcula adnatæ pellucida antea impervia tranfeunt, neque retrogradæ fiunt. Si hoc verum fit de ophthalmia, de omni quoque inflammationis exemplo verum fit oportet.

Doctor WALKER aliâ protulit hypothefin, quæ reverà nihil aliud eft, quam CULLENI opinio aliquantulum mutata\*: Ille enim,  
spafmo

---

\* Differt. Med. Inaug. de Inflammatione, Edin.

spasmo amisso, debilitatem, ex qua CULLENUS  
spasmm pendere ponit, retinere non dubi-  
tat: post multas vix pueris dignas ambages,  
opinionem, quam propriam vocat, his verbis  
tandem depromit: “ Quam theoriam verò  
“ significo, ea est debilitatis vel actionis di-  
“ minutæ doctrina.” Deinde addit: “ Mihi  
“ quidem volupe est dicere, hanc opinionem  
“ a Societate Medica Regia Edinensi, quæ  
“ quidem in primis spectabilis enixè defen-  
“ di et sustineri. Cùm verò fociis ejus  
“ non adscriptus sim, nihil fructus ab ob-  
“ servationibus eorum acutis et ingeniosis  
“ percepi; et nullus adhuc, quod noverim,  
“ auctor hanc opinionem, in vulgus edi-  
“ dit.”

Probabile videtur Doctorem WALKER  
istam opinionem concepisse, perlecto opere  
anonymo, anno M DCC XCV, vulgatò ab  
auctore, qui modestiam mirè simulat, et cùm

maximè fallit, id agit, ut vir bonus videatur\*.

Redeamus nunc ad argumenta, quibus Doctor WALKER vaforum partis inflammatae debilitatem esse inflammationis causam in omni exemplo probare conatur.

“ Arteriæ,” inquit ille, “ uti omnes per-  
 “ spectum habent, tunicâ, cui elater in-  
 “ est, et muscolari sunt instructæ. Harum  
 “ prior ad arterias in médio dilatationis te-  
 “ nendas planè confert; ultra quem si causâ  
 “ quâlibet distendantur, tunica, elaterem pos-  
 “ fidens, eas ad conditionem priorem redu-

“ cere

\* Qui fusiùs de hujus auctoris consilio certior fieri velit, is consulat opus ipsum, cui titulus, “ An Ad-  
 “ dress to Medical Students: A Letter to Dr FOR-  
 “ DYCE, with Remarks and Questions upon Quo-  
 “ tations from Dr FORDYCE’s Dissertation on Sim-  
 “ ple Fever.” 8vo, pret. 1 sol. Ang. BELL, 1795.



“ cere conabitur. Ita contractio tunicæ mus-  
“ cularis ad diametrum vasorum diminuen-  
“ dam evidenter facit, cui tunica elastica ob-  
“ sistit, ea ad statum medium referre constan-  
“ ter annitens. Non verò improbabile est,  
“ ea intra hunc per tunicam muscularem ple-  
“ rumque fervari. Quod solùm igitur, ac-  
“ tione suâ, tunica muscularis potest, est dia-  
“ metros arteriarum minuere, et sanguinem  
“ per eas propellere.”

Hac arteriarum fabricâ, et tunicarum di-  
versarum usibus traditis, Doctor rogat, “ Quo-  
“ modo fieri potest, ut actione arteriarum ad-  
“ auctâ, quantitas sanguinis inusitata, in vasa  
“ quibus diametri inde minuantur, influere  
“ valeat?” Deinde addit, “ Effectus huic  
“ omninò contrarius haud dubiè edetur;”  
fatetur tamen quod, “ Velocitas sanguinis in  
“ iis haud dubiè augebitur, ut lex hydraul-  
“ ica notissima docet, progressum nempe flui-  
“ di

“ di diametro vasis, per quod movet, pro ratione inversa, esse responsurum.”

His autem objectis responderi potest, nondum satis de arteriarum fabricâ inter anato-  
mes cultores constare ; neque Dominum WALKER HUNTERI, de earundem fabrica, opinionem plenè et accuratè tradidisse : HUNTERI enim experimenta vim arteriarum refiliendi, quo proprius cordi sunt, majorem, quo longius autem ab eodem distant, minorem, esse docent : Vel, quod eòdem redit, arteriarum refiliendi vis capacitatem earundem sequitur ; vis autem musculosa arteriarum diametro, pro ratione inversâ, respondet \*.

Si igitur arteriarum fines sint sedes inflammationis, ut ponitur in hypothesi quam WALKER defendit ; principia, quibus innitur, sunt evidenter falsa, cùm nulla ferè tunica elastica in arteriarum finibus existit.

Porro

---

\* HUNTER on Inflammation, p. 114.

Porrò HUNTER ipse non negat, quin tunica externā, quæ elastica vocatur, fibras musculosas habeat; insuper fibræ musculosæ ipsæ resiliendi vi præditæ sunt: tunicarum igitur discrimina, quæ posuit cel. HUNTER, aliquatenus imaginaria. Denique, etiam si argumentandi causâ, concedatur, arteriarum extremarum fabricam talem esse, qualem Doctor WALKER posuit, ratio facilè reddi potest, quare sanguinis quantitas præter solitum magna in partis inflammatae vasa influit: qua enim proportionē arteriæ diametros tunicæ musculosæ contractione minuitur, eadem, tunicæ elasticæ elatere, dilatetur oportet; hinc, si arteriæ contractio præter naturam magna fuerit, dilatatio quoque pro rata parte, præter naturam augebitur,

Secundum Domini WALKER argumentum non minus est caducum. “ Vir clarus,” inquit ille, “ JOANNES HUNTER, in suo, qui “ de sanguine inscribitur, libro, paginâ 282, “ notat,



“ notat, “ That the pain in the part infla-  
 “ med is increased by the diastole of the ar-  
 “ tery ; and that a part inflamed, by being  
 “ gently pressed, is made easier. These,”  
 inquit ille, “ are strong proofs, that inflam-  
 “ mation does not consist in a contractile ac-  
 “ tion of the muscular coats of the vessels ;  
 “ for, in such a sensible state, if they con-  
 “ tracted by their muscular power, the pain  
 “ would be in their systole ; for we find in  
 “ all muscles, which are in a state of great  
 “ sensibility, that they cannot act without gi-  
 “ ving great pain.”

Quoad hoc argumentum respondemus, do-  
 lorem partis inflammatae non semper pressu  
 levi mitigari : nam in *gastritide* et *enteritide*,  
 &c. dolor pressurâ levissimâ augetur : porrò,  
 muscoli non possunt agere quin simul contra-  
 hantur ; ergo dolor æque ex arteriæ systole  
 ac ejusdem diastole pendet. Et sane quamvis  
 etiam concedamus, dolorem augeri per diasto-  
 lem,

lem, argumentum nihil omninò valeret ; nihil aliud enim quam actionem arteriarum auctam probat.

Denique, Doctor WALKER opinatur partibus inflammatae vasa dilatari non posse, quin simul debilitate afficiantur : hujus autem rei, quæ est princeps cardo opinionis cui favet, ne umbram quidem probationis affert : est igitur absurda, et fons erroris præcipuus videtur. Quando pudor vultum rubore suffundit, debilitantur vasa, in quæ sanguis quantitate præter solitum magna influit ? An vesicatoria vasorum partis, cui admoventur, debilitatem ante inferunt, quam inflammationis signa se ostendunt ? Nemo sanus, ut opinor, affirmaverit. Cùmque eadem est omnium stimulantium ratio, omnem inflammationem actuosam nimiam vasorum actionem comitem habere, colligere fas est.

Minimè quidem negamus, quin inflammatio interdum ex debilitate vasorum partis pendeat.



deat. Ad summam ; verifimile nobis videtur inflammationem dividi debere in *activam* et *passivam* : constat enim experientia aliam inflammationem sanari regimine antiphlogistico, sanguinis detractiōe, et omnibus, quæ vim cordis et arteriarum imminuunt ; aliam verò remediis omninò contrariis cedere, cinchonæ nimirum vino, aliisque auxiliis, quæ totius corporis, partisve affectæ, vires intendunt. Porro, rerum usu, periti benè nôrunt inflammationem initio activam, progrediente morbo in passivam abire, jamque remedia omninò contraria his, quæ eidem inchoato idonea erant, postulare : hoc quidem de omni inflammatione ferè activa verum videtur : citiùs enim aut ferius pro aucta vasorum actione, causarumque vi, in passivam definit. Temporis spatium, quod inflammatio durat, priusquam hæc mutatio incidit, definiri non potest.

Res

Res quæ huic mutationi obstant, vel favent, haud difficilè intelliguntur. In omni exemplo sanguinis congestus in vasis partis inflammatae existit; si morbi initio congestus minuatur, vel cursus sanguinis vesicatoriis, aliisve auxiliis, alibi avertatur; vasorum vires conservabuntur, morbusque resolutione terminabitur. Si autem morbus diutius perfliterit, ita ut sanguinis congestus, vasa ultra modum distendat, et insignem debilitatem efficiat, suppuratio, scirrhus, gangræna, vel effusio, pro diversa partis structura, et inflammationis magnitudine, supervenire solent.

Quicumque igitur inflammationis phænomena, causas, et remedia præjudiciis vacuus cautè ac candidè perpenderit, is, uti opinor, duas ejusdem species, *actuosam*, nimirum, et *passivam*, existere colliget. *Actuosa*, ut diximus, ni ipsi tempestivè occurratur, in *passi-*

*vam*, citiùs ocyùs pro morbi, caufarumquæ, violentia, mutatur. Hæc mutatio interdum adeo eft velox, ut obfervatores minus accuratos effugiat.

### RATIO SYMPTOMATUM.

OMNES inflammationis caufæ remotæ, totius corporis vel partis affectæ, vel utriufque vim irritabilem et actionem intendunt: hoc evidenter patet eo quod inflammatio in regionibus frigidis, et præfertim hyeme, et vere, viget; et robustos, eosque præcipuè qui diæta maximè ftimulante, qualia funt carnes, liquores fermentati, &c. vefcuntur. Quando inflammatio ab impetu totius fanguinis maffæ, vel partis affectæ, oritur, particulæ rubræ impelluntur in vafa, quæ antea ferum tantùm admiferunt; eadem præter folitum diftendunt,

dunt, et actionem eorundem augment, et vicem causæ excitantis præstant. Hinc partis tensio, rubor, dolor, et tumor quoque; hic autem quodammodo ex humoribus in telam cellulofam partis laborantis pendere videtur. Hæc quidem doctrina ponit errorem loci, qui in omni inflammatione, ut suprâ exposuimus, incidat necesse est. Doctor WALKER assumptum errorem loci non, nisi debilitate vasorum prægressâ, contingere posse: hoc autem est mera *petitio principii*, ut dialectici loqui amant.

Quoad inflammationem passivam, signorum ratio ex antea dictis patet.

## PROGNOSIS.

JUDICIUM de inflammationis exitu haud parum pendet ex mali sede, progressu, et tempore,



pore, quo medicina adhibetur. Si inflammatio partem corporis externam occupet, et causæ excitantes leves fuerint; neque inflammatio multum diffundatur, neque profundius sedeat; si pyrexia simul, cæteraque signa, non gravia existant; si etiam suppuratio facta non tam latè serpat, neque adeò profunda sit, ut insignis debilitas ex humorum detractioe timenda sit; si denique ægri valetudo sit cætera sana, eventum faustum præfagire plerumque licebit.

Contrà, si levissima gangrænæ signa apparent, cautissimè de exitu judicandum est, hîc enim malum exitium ferè semper affert. Summum periculum ex tabo putrido absorpto, et in sanguinis massam delato semper imminet. Donec igitur partes gangræna affectæ, omnisque in putredinem proclivitas, penitùs tollantur, nihil boni augurandum est.

Si



Si pars interna vitæ necessariæ morbi sedes fuerit, prognosis ferè semper anceps esse debet : si resolutionis quidem signa, exinanitio, putà, sanguinis profluvium ex aliqua parte, diarrhœa, sudorve copiosus tepidus et universus, primis morbi diebus se ostendant ; aut si signa remediis adhibitis mitescunt, salus speranda est. Si morbus autem persistet per aliquot dies sine indiciis resolutionis jam dictis, neque signorum vis medicinæ adhibitæ cedeat, et præsertim si gangrænæ indices se ostendant, exitus infelix jure timendus est.

## C U R A T I O.

A CONSPECTU suprà tradito, duas inflammationis species, quarum alteram ex nimio vasorum vigore, alteram verò ex eorundem debilitate

debilitate et laxitate pendentem, existere patet. Medendi igitur ratio, se, sponte quasi, in duo consilia dividit :

1mò, Morbosum vasorum vigorem tollere :

2dò, Debilitatem et laxitatem eorundem corrigere.

Primum consilium absolvitur omnibus rebus, quæ vim cordis et arteriarum minuunt ; qualia sunt, regimen antiphlogisticum, sanguinis detractio, alvi purgatio, diaphoretica et sudorifica, et remedia externa : de quibus paucis figillatim.

REGIMEN ANTIPHLOGISTICUM in omni ferè inflammationis actuosæ exemplo sedulò adhibeatur necesse est : Aër-igitur cubiculi frigidulus esse debet, frigus enim, peritè ad-  
motum,

motum, nimiam systematis actionem insigniter minuit ; idem autem ejusdem gradus non omnium partium inflammationi pariter accommodatur ; in catarrho enim et pneumonia, cautè adhiberi debet. Caloris igitur gradus cuilibet inflammationi ex medici peritia pendebit : eodem consilio, animi et corporis exercitatio ; victus soliti, præsertim ex carnis, liquoribusque fermentatis parati, stimulus ; ventriculi cruditas, et irritatio a fæcibus intestinorum, diutius retentis, cautè fugiantur oportet. Pro regiminis antiphlogistici parte, diluentia grata, et medicamenta refrigeratoria, acida, putà, nativa frugum, sales medi, haustus Riverii, tartarum, aut nitrum, multâ aquâ solutum, insigni vi pollent in mitiganda irritatione, ortâ ex siti, et calore intenso, quæ omnem gravem inflammationem perpetuò comitantur. Quidem ferè nulla diæta in gravioris inflammationis exemplis

fæviente.

fæviente diathesi phlogistica, concedi debet : diluentia sola sufficiunt : aqua copiosè sumpta, sanguinis massam diluendo, omnium humorum acrimoniam et stimulum minuit. Vi cordis et arteriarum fatis debellatâ, diæta ex frugibus mucosis decocto, scilicet hordei, oryzæ, avenæ, fago, &c. et fructibus subacidis constare debet.

SANGUINIS DETRACTIO, peritè adhibita, plus cæteris omnibus remediis ad nimiam vaporum actionem minuendam facit. Haud vulgaris autem peritiæ est judicare quanta debet esse detractio, quandoque repetenda est. Quoad hæc, nulla quidem regula generalis tradi potest ; ægri autem viribus, ætate, et sexu, anni tempestate, signorum gradu, morbi tempore, et effectu, quem sanguis jam missus edit, plerumque ordinari poterunt. Hæc quidem primo aspectu, factu facilia videantur, rerum  
autem



autem usu periti rei difficultatem benè nò-  
runt. Ex hoc remedio sine discrimine, aut  
intempestivè adhibito, ingens sæpe miseria  
profluxit. Nondum quidem satis inter me-  
dicos convenit de sanguinis detractionis usu  
in erysipellate ; in aliis enim hujus mali ex-  
emplis sæpe exitio fuisse ; in aliis autem in-  
signiter profecisse usus docuit, eandem autem  
quoties diathesis phlogistica adest, non minus  
hîc forsan, quàm in aliis inflammationibus,  
profuturam, verisimile mihi videtur. Quan-  
do verò debilitatis et putredinis indicia se co-  
mites jungunt, cinchona officinalis, aliaque  
tonica, vinum putà, sæpe feliciter usurpata  
fuisse, experientia docuit. Sunt qui liberam  
sanguinis detractionem in membranarum dia-  
phanarum inflammatione parùm idoneam esse  
affirmant : ob magnam tamen pyrexiam et  
dolorem acutum, quæ eandem comitantur,  
copiosam sanguinis detractionem omninò ne-

cessariam crediderim. Quis enim in duræ matris, peritonei, pluræ, &c. inflammatione sanguinem liberè detrahare dubitaret? Nonne ascites, hydrocephalus, artuumque in rheumatismo tumores, ex sanguinis detractiōe neglecta, sæpenumerò provenerant? Ad hanc quidem inflammationis speciem animum parùm attendisse videntur nonnulli medici; nullo alio saltem modo opinionis adeo periculosæ fontem indagare possum.

Membrarum mucosarum inflammatio citius forsan quam quævis alia ad suppurationem pervenit: ob hanc subitam puris formationem, nonnulli auctores clari, pus humorem secretum esse colligerunt. Hæc quidem inflammatio detractiōem sanguinis generalem non sæpe requirit, ante quidem in passivam definere solet, quàm clinicus acceditur; astringentia medicamenta applicata benè accommodantur: et plerumque votis nostris respondent:

respondent : si autem inflammatio ineunte morbo, gravior fuerit, sanguinis detractio astringentibus præmitti debet. Si hæc inflammatio neglecta, aut inveterata in stillicidium, ut non rarò in gonorrhœa, abiit, difficillimè quidem sanatur. Hoc pendere videtur partim ex machinæ animalis lege, quâ fit, ut consuetudo, ex quacunque causa inveteraverit, difficilè depellatur ; et partim ex inertis medicandi usu, qui, morbo jam proveciore, hincque mitiore facto, adhiberi solet. Cùm autem actio vasorum inveterata depulso difficilis fit, ratio medendi magis actiuosa, quâ inveteratio mutetur, et novus agendi modus excitetur, manifestò necessaria est.

Inflammatiō membranæ mucosæ urethræ aliquando paulatim decedit, et stillicidium e purulento in pellucidum, et specie tenus, naturale, mutatur : hæc mutatio aliquando subito nimis incidit : tuncque alia inflammatio-

nis



nis species, phlegmona scilicet in tela cellulosa partis vicinæ aliquando supervenit, ut hoc malum tollatur, stillicidium, acribus in urethram injectis, renovari necesse est.

Nulla est inflammationis species quæ liberiores sanguinis detractionem requirit quàm phlegmon, præsertim quando internas corporis partes afficit ; cùm autem corpus externum occupat, hirudines, scarificatio, vel cucurbitulæ cum ferro, applicatæ, plerumque clinici votis respondent.

Tempestiva sanguinis detractio optimum quidem in rheumatismo acuto remedium videtur. De sanguinis detractioe in rheumatismo acuto acriter inter medicos disputatum est : alii arthrodyniam, et paralyfin ferè immedicabilem, quæ interdum superveniunt, inde exoriri contendunt ; dum alii eandem pro optimo remedio habent. Magna pertinacia, quâ hæc affectio medicinæ interdum resistit,

et



et proclivitas, quâ in arthrodyniam fertur, huic liti ansam præbuisse videntur : porrò rei difficultas inde augetur, quod rheumatismus cinchonâ sanatur. Vix autem mihi persuadere possum, quin justâ sanguinis copiâ tempestivè detractâ, sit omnium remediorum præstantissimum : non omni autem clinico licet esse tam felici, ut ab aurea mediocritate non aberrat : utrinque peccari potest, et, ut poëta canit,

“ Incidit in Scyllam, cupiens vitare Charybdim.”

Actio nimia vasorum in rheumatismo acuto tandem in debilitatem abit, hocque eo citiùs fit, quo major justò sanguinis quantitas detrahatur : his igitur rebus quam medici de sanguinis detractiōe in hoc morbo moverunt, nostrâ opinione positâ, componi potest. Cel. SAUNDERS ipse, qui cinchonam in rheumatismo primò commendavit, eandem, non nisi diatinesi

diathesi phlogisticâ per sanguinis detracti-  
nem, aliaque exinanientia, debellatâ, exhi-  
bet.

ALVI PURGATIO ad diathesin phlogisticam  
tollendam benè accommodata est : minimè  
tamen, æquè ac sanguinis detractio, valet ;  
neque effectus ejus adeo diuturni sunt. Ca-  
thartica, quæ huic consilio optimè respon-  
dent, sunt refrigerantia, et præsertim *crystalli  
tartari, potassa tartarisata, soda tartarisata,  
soda vitriolata, soda phosphorata, magnesia vi-  
triolata, &c.* larga aquæ copia diluta, ut ma-  
gis refrigeratoria fiant. Alvi purgatio pro-  
dest in omnibus ferè inflammationibus, præ-  
sertim in externo corpore fitis ; qualia sunt,  
phlegmon ; erysipelas cum diathesi phlogisti-  
ca ; et rheumatismus quando afficit musculos  
inter costas fitos, aliosve, qui non multùm af-  
ficiuntur corporis motu, quem hæc exinani-

tio

tio inevitabilem reddit : leviori quoque membranarum mucosarum inflammationi, et omnibus quidem mitioribus exemplis, ubi sanguinis detractio vix necessaria videatur, benè accommodata videtur. Alvi purgatio pneumonia laborantibus nocere videtur, quia, sputa, quibus morbus sæpe solvitur, minuit, aut penitus sistit : eadem autem in hepatitide admodum proficere solet. Renibus cæterisque viis urinæ inflammatis, clinici votis optimè respondent, oleum ricini, manna, &c. sales enim neutrales in sanguinis massam delati, has partes inflammatas nimis stimulant.

DIAPHORETICA et SUDORIFICA mitiora, qualia sunt haustus Riverii, ammonia acetata, antimonium tartarifatum, &c. diathesi phlogistica exinanitionibus idoneis præmissis imminuta, felici eventu in plerisque inflammationis exemplis, præsertim catarrho, pneumonia,



nia, hepatitide, nephritide, cynanche, dari solent. Nausea cutis halitum promovet, et vasorum actionem fimul minuit, vomitoria igitur dosibus nauseosis administrata haud raro insigniter proficiunt.

*Opium*, nimia vasorum actione per sanguinis detractionem, aliasve exinanitiones, fatis minuta sæpe usurpatur, et insigni sua irritationem minuendi, et dolorem sedandi vi, felicissimos effectus non raro edit, præsertim in vulneribus a sclopporum glandibus, testium inflammatione, et illa quæ amputationibus supervenit: membranis quoque mucosis inflammatis, enixè a quibusdam commendatur, hinc in catarrho, inflammatione ureterum, vesicæ, urethræ, et dysenteria, alvi purgatione præmissâ, insigniter prodest. Hoc quidem remedium ritè administratum est optimum forsan omnium, quorum nobis copia datur; ut autem optandos hos effectus edat, liberali

manu



manu detur necesse est : quoties enim expectationem nostram fallit, hoc ex dosi justò minori datâ pendere videtur : inter utendum alvi duritie occurratur oportet.

*Pulveri ipecacuanhæ* composito magna rheumatismi medicinæ pars concreditur.

Præter remedia jam tractata, varia sunt auxilia externa, quæ ad resolutionem promovendam faciunt. Horum præcipua sunt tepidarium, epispastica, hirudines, scarificatio, alumen, plumbi et zinci præparata, cataplasmata varia, de quibus breviter jam dicemus.

Tepidarium variis formis admotum felici eventu in nonnullis inflammationis exemplis adhibitum fuit ; pediluvium et fots haud rarò somnum, opio frustrâ dato, conciliârunt.

*Epispastica* sunt auxilia præstantissima. Ineunte morbo, et quàm proximè fieri potest parti dolenti admoveri debent. Effectus suos

bonos haud rarò subito præstant; hujus rei documentum existit, levamen inde cynanche tonfillari et ophthalmia laborantibus citò perceptum.

Si inflammatio sit externa, vel ei aditus pateat, partis scarificatio, vel hirudines eadem admotæ, haud parùm sæpe proficiunt; astringentia quoque præparata nimirum ex metallis, præsertim *plumbum acetatum*, *zincum vitriolatum* aut *acetatum*, *alumen*, &c. variis formis collyriorum, injectionum, aut cataplasmatum, cum fructu adhibentur. Si phlegmon partem corporis externam occupet, cataplasmata frigida et astringentia ex mica panis, lacte, et idonea plumbi acetati portione, composita, votis sæpe respondent.

Partis autem inflammatae cutis adeò est interdum tenera et sensilis, ut res emollientes, oleum putà amygdalarum, adeps, sebum suillum,

lum, aut butyrum, ipsi applicanda, quo dolor mitigatur, necessaria fiant. His autem, inter plumbi præparata usurpandum, quantum fieri potest, abſtineatur: plumbi enim efficaciam inſigniter minuunt, ac tardant. Cataplaſma e pane et aceto conflatum sæpe, et in nonnullis exemplis efficaciffimè quidem, adhibetur.

Si verò inflammatio his omnibus non obſtantibus, inveteraverit, et dolore pulſatili aliisque ſignis ſuprà memoratis, proclivitatem ad ſuppurationem oftendat, hanc, auxiliis diſcutientibus ſtatim omiſſis, quamprimùm promovere conemur.

Hoc confilio, ægro, ſi vires exinanitionibus prægreſſis frangantur, diæta plenior concedatur: in nonnullis quidem exemplis, vinum quoque neceſſarium eſt; ut pus enim bonum fiat, irritatione aliquantulum auctâ opus eſt.



Calor quoque idoneus parti laboranti ad-  
motus, suppurationi favet: gradus ejusdem,  
qui optimè respondet, est centesimus, aut cir-  
citer, thermometri Fahrenheitiani, ut viri  
docti EVERARD HOME, aliorumque, experi-  
menta docent. Cataplasmata et fomenta cali-  
da iterata simul ac frigescent, ut calor con-  
stans et æquabilis servetur, huic finì maximè  
idonea videntur. Ratio eadem administrandi  
adeò plenè et accuratè a claro viro BENJAMI-  
NO BELL traditur, ut eandem hìc loci exscri-  
bendi copia mihi detur, rogo. “ In order to  
“ receive,” inquit ille, “ all the advantages  
“ of such remedies, the part affected should be  
“ well fomented with flannels, pressed out of  
“ any warm emollient decoction, applied as  
“ warm as the patient can well bear, conti-  
“ nued at least half an hour at once, and re-  
“ peated four or five times a-day. Imme-  
“ diately after the fomentation is over, a  
“ large



“ large emollient poultice should likewise be  
“ applied warm, and renewed every second  
“ or third hour at furthest \*.”

Variae res, ex quibus suppuratoria medicamenta fiant, commendatae fuerunt: cum autem nihil aliud quam calore opus est, cataplasma vulgare ex pane et lacte, cui adjungitur olei pauxillum, ut humidum fervetur, votis benè respondet.

Si pars quidem tardiùs suppuret, acria parti ipsi applicata, aut cataplasmati addita, usurpentur. Cucurbitulae sine ferro, hoc consilio adhiberi solent.

Suppuratione absolutâ, pus plerumque sponte prorumpit: sin hoc minus fiat, chirurgi

---

\* Treatise on Ulcers, § 68.

gi arte, si eidem accessus pateat, exinanietur; parsque eodem modo, quo ulcus simplex, curetur.

Clarus MACBRIDE de cataplasmatum emollientium et fotùs usu sagaciter monet, “ That  
“ there ought to be some attention given in  
“ regard to continuing the use of fomenta-  
“ tions, lest they be protracted beyond the  
“ due time; for then they will do harm by  
“ creating an additional laxity of the fibres,  
“ whence will succeed weakness and obstinate  
“ swellings. In those cases which evidently  
“ depend most on relaxation, and weakness  
“ of the vessels, we are to be more sparing  
“ with respect to bleeding and purging, as  
“ well as the application of emollients, and  
“ fomentations, and depend on astringents,  
“ repellers, and strengtheners.\*.”

Si

---

\* Introduction to the Theory and Practice of Medicine.

Si signa quæ proclivitatem ad gangrænam indicare suprà diximus, se ostendant, ut eadem corrigantur, vel progressui saltem obstentur, summo studio adnitendum est; ni enim hoc fiat, putredo exitium brevi afferet.

Si igitur, ineunte gangrænâ, ingens illa vaporum actio, ex qua interdum oritur clades ista, ut antea posuimus, regimen antiphlogisticum, modica sanguinis detractio, et lenis alvi purgatio adhibeantur oportet: hæc autem malo progrediente, ob summam ægri debilitatem prorsus inepta sunt: hinc igitur ad remedia quæ putredinem, et debilitatem corrigunt, quorum præstantissima sunt cinchona officinalis, vinum, acida, et diæta nutriens, statim confugere debemus. Vinum et cinchona copiâ, quantam ventriculus ferre potest, dentur necesse est. Si parti laboranti aditus pateat, medicamenta antiseptica, et leniter stimulantia, plumbi, scilicet, acetati, aut ammoniæ



ammoniæ acetatæ, et similium, solutio, eideni applicari debent : partes enim sinceræ hujusmodi medicamentis stimulatæ mortuas, liberâ suppuratione superveniente, sejunctas excutient : hoc consilio scarificationes profundæ et iteratæ commendatæ fuerunt ; hac autem (si excipiamus exempla, in quibus putredo in partes carnosas, aut molles altius penetraverit, et ubi amotio magnæ partium putridarum quantitatis, quæ ægro molestiam haud parvam affert, necessaria fit) prorsus alienæ sunt : vitium enim inde non modò latius diffunditur ; sed partes ad corporis integritatem necessariæ vulnere periclitantur.

Si scirrhus finitur inflammatio, remedia quæ ad resolutionem faciendam accommodata sunt, usurpentur : horum præcipua videntur hydrargyrum et cicuta ; quorum actio partem laborantem unguento hydrargyri, aut oleo ammoniato leniter fricando promovebitur. Si

hæc



hæc medicina fallat, pars, si externa fit, neque e contrario indicium existat, ferro rescindatur.

Si effusio inciderit, remedia quæ vaforum absorbentium actionem promovent, qualia sunt scilla, hydrargyrum, &c. dentur.

Humor viscidus e superficie partis internæ exsudatus, nec facilè cognoscitur, neque ulla quibus eidem feliciter occurri potest, remedia novi.

Inflammationi passivæ medendi ratio fatis ex passim dictis patet; huic igitur rei diutiùs immorari, minimè opus videtur.

F I N I S.





